

Platt partu:

Rundbreef 2022-5

Nord Stream 2

Wat is dat en leidige Röhrengeschicht!
Fru Schwesig drauht nu en Schörengericht.

En moien Start in den Mai, leve plattdüütsche Maten un Frünnen!

Hüüt kiekt wi trüch in den Oostermaand, wedder en överrieken Maand op uns Websiet, avers nich bloots en Vergnügen. Uns all sitt de Krieg vör de Huusdör in de Knaken. As Corona opkeem, hett dat so bummelig een Johr duert, bet ik mal hier in'n Rundbreef schrieven kunn: "Juchu, en ganzen Maand ahn een Bidrag to Corona!" So wied sünd wi mit düssen Schietkrieg noch lang nich, un heimlich höp ik, dat de ganze Krieg nich so lang duert, dat he för uns "normaal" warrt. Je kötter, je beter.

In den Oostermaand rin seilt wi mit de Passioonsgeschicht, de Ludgerd Lüske langs de Passioonssünndaag mitgeiht bet in den Karfriedag, den sien Psalm uns hüüt sünnlicher neeg anröög. Denn is eerstmal Nacht üm Maria un uns, de in de Tauversicht vun Oostern övergeiht; de orthodoxen Karken fiert een Week later. Avers is dat nich en Oosterfest in'n Krieg? So dat sogor Angriepshandlungen den Naam "Oostern" kriegt? De Alpdroom Kole Krieg haalt uns in... Mit en beten mehr analytische Distanz folgt Behrend Böckmann de Tradischoonen vun'e Fastentied un de Fiern to Jesu Dood un Operstahn; he belücht ok, wo dat in Russland to de Tyrannei keem. Dat de Mann weg mutt, findt ok Martin Ripps Stammdisch. Un mit de, naja, Elastizität vun de Grönen sünd ok nich all tofreden.

Een vun uns Bidrängers hebbt wi ok wedder verlaren düssen Maand, een, den wi bloots vun feern hebbt kennen lehren dröfft: Muhamad A., en junge Mann ut Syrien, de uns düt Gedicht schreev, is dood. So seggt uns sien Fründ Ewald Eden. Muhamad wull sien Moder op ehr Dodenbett nich alleen laten un is gegen all Vernunft na Syrien reist. Assads Henker hebbt em kassiert. He stüv noch vör sien Moder.

Dat allens is swoor. Avers de Oostermaand is ja noch mehr -- allens blöht, de Kinner jibbert na den Oosterhaas, un sogor de Höhner bröödt Hasen ut, de avers ok wedder Eier leggt. As Snee deckt de Blödenbläder de Bööm un later de Straten, in de Natuur is de Wettstried üm dat schönste Geel nu in vullen Gang, in de Dackrönn bröödt de Dohlen, un Ludgerd Lüske hett to'n 20. Bortsdag vun Plattpartu en wunnerschönen Bortsdagswunsch vun Friedrich Rückert platt maakt. Un ok annerswat passeert: Dat slimme Füür in Notre Dame jährt sik, de Sundheitswahn geiht tokehr, un jümmers noch dreiht Corona de Welt op'n Kopp. Un Geschichten warrt vertellt: vun twee wunnerbore Opas, chinesesche Wäscherslüüd, Minschen op de Flucht vör de Nazi-Euthanasie, fule Tollbeamten un vun Lü, de richtig Swien hebbt; de Evenborg lücht in't Fröhjohrskleed, un Kuckucksroop bringt Glück. De Welt kann dat good bruken. Sing man to, Kuckuck!

Leve Maten, ik wünsch uns all en goden, toversichtlichen un -- liekers allens --
fröhlichen Lent!

Nu de Linkliste. Op de Links bruukt Se bloots klicken, dat Se henkaamt.

Plattdüütsch Künst:

April Enn. W.S. Braithwaite, översett vun Marlou Lessing (27.4.)
Notizen ut'n Harvstmaand. Fotos un Verse vun Marlou Lessing (3.4.)
Oostfreesland-Klenner: De Evenburg. Vun Thomas Seemann un Marlou Lessing
(3.4.)

De Welt un Gott:

Seemannsgarn: De chineesche Wäscher Mr. Lee. Vun Günter Sohnemann (30.4.)
Wat de Minsch so in sik rinstoppt. Vun Heinz Tiekötter (30.4.)
Dei Grenzdeinst wier ok schön. Vun Günter Weber (30.4.)
Oostern in'n Krieg. Vun Marlou Lessing (24.4.)
Twee Opas — twee Welten. Vun Meike Balzer-Fraun (24.4.)
Jan Kloog. Vun Ewald Eden (21.4.)
Dat hillige Osterfest. Vun Ludgerd Lüske (17.4.)
Maria in de Nacht. Vun Rudi Witzke (16.4.)
Stillen Fridach un Paaschen. Vun Behrend Böckmann (15.4.)
Stille Freidag. Vun Ludgerd Lüske (15.4.)
Œwer dat Fasten. Vun Behrend Böckmann (10.4.)
Passion: Palmsönndag. Vun Ludgerd Lüske (10.4.)
Verdreihte Tieden — wenn negativ positiv is. Vun Meike Balzer-Fraun (3.4.)
Passion: Sönndag Judica. Vun Ludgerd Lüske (3.4.)
Dat Swiensglück. Vun Addi Kahl (3.4.)

In't Erinnern-Notizbook:

Veel hefft se mi vertellt -- wenig verkloort. Vun Meike Balzer-Fraun (2.4.)

In't Lütte Gebeedbook:

To'n orthodoxen Oosterfest 2022. Vun Marlou Lessing (24.4.)
Ooster-Offensive?!?!? Vun Marlou Lessing (16.4.)

Natuur un Wetenschap:

Vörjohrsschnei. Vun Behrend Böckmann (24.4.)

Toxisch Planten: Guldregen, Seidelbast. Vun Anke Nissen (23.4.)

Striet üm't schönste Gäl. Vun Behrend Böckmann (3.4.)

In't aktuelle Natuurnotizbook:

Dohlenbrood un Roodkehlchenfalkner. Vun Thomas Seemann (17.4.)

Wat in de Welt vörgeiht:

Dat gräune Chamäleon. Vun Behrend Böckmann (30.4.)

Notre-Dame. Vun Behrend Böckmann (15.4.)

"De Mann mutt weg!" Politische Stammdisch vun Martin Ripp (10.4.)

Ein Tyrann in'n Kreml sitt. Vun Behrend Böckmann (2.4.)

In Marlou Lessings plattdüütsch Notizbook:

Juun Optridd, Mr. Musk! (30.4.)

40 Johr (21.4.)

Webb warrt utmustert (16.4.)

Bayerns Bad Bank (10.4.)

Wissing un de Schiller (6.4.)

Ready for Takeoff (5.4.)

För Kinner:

Haseneier. Vun Behrend Böckmann (17.4.)

Mümmelmann, leiw' Osterhas. Vun Heidi Rumler (16.4.)

Huhn Meta. Vun Erika Fischer (16.4.)

Modder Sünn ehr Kinner: De Blööttiet to Fröhjohr. Märken vun Sophie Reinheimer, överdragen vun Klaus-Dieter Tüxen (10.4.)

Platt to Hand:

Tau'n Geburtdag. Vun Ludgerd Lüske (11.4.)

Hartlich grööt

Marlou Lessing un dat lütte Plattpartu-Team